

Møte i avlsutvalet i Rogaland

Aksdal Rådhus 13.06.22

Desse møtte:

Per Johan Lyse (Leiar), Jon Egil Østerhus (RSG), Eirik Gilje (Kåringsansvarleg) og Hilde Håland (Fatland)

Stian Espedal (Nortura) og Lars Nevland (Rep for veraringane) møtte ikkje

Saksliste

- Godkjenning av innkalling og saksliste
- Kåring i Rogaland
 - o Nye dommerar
 - o Kåringsavgift
 - o Søknad om dispensasjon for heimekåring
- Avlsutvalet sine oppgåver
- Saksmappe til Avlsrådet sitt møte 15.6
- Innkomne saker
- Eventuelt

Godkjenning av innkalling og saksliste

Innkalling og saksliste godkjent

Kåring i Rogaland

Kåringsdommerar

Det er aktuelt med nye kåringsdommerar i fylket og lokallaga er oppmoda til å koma med forslag på aktuelle kandidatar. Avlsutvalet vurderer alle innkomne forslag, og sender si anbefaling til styret i RSG. Avlsutvalet har geografisk plassering, rasekjennskap og dels kjønn som grunnlag for si vurdering.

Kåringsavgift

NSG sentralt ønskjer å legge til eit administrativt gebyr på alle kåra lam. Avlsutvalet i Rogaland meiner at det ikkje er nødvendig å auke kåringsavgifta i fylket tross dette. Inntil videre anbefaler utvalet å halde kåringsavgifta på samme sats som i 2021 (170 kr).

Søknad om heimekåring

Det er kome inn søknad om dispensasjon frå å stilla på kåringssjå frå Sør-Jæren og Time sau og Geit.

Avlsutvalet behandla søknadane, og har sendt si anbefaling til styret i RSG. Avlsutvalet ønskjer å støtte opp om årsmøte-vedtaket om tilbod til alle om kåringssjå. Utvalet ønskjer likevel at styret vurderer satsen på heimekåring for dei som ønskjer det.

Avlsutvalet sine oppgåver

RSG ønskjer ein oversikt på utvalet sitt mandat og arbeidsoppgåver.

Avlsutvalet skal vera eit rådgjevande organ for styret, og kan vera utøvande innan økonomiske rammer gjeve av styret. Funksjonstid er to år om gongen for rep vaslt frå næringa. Styret skal fremje saker innan avl og kåring for utvalet, og utvalet kan sjølv ta initiativ til saker innan avl. Innanfor budsjettmessige godkjende rammer skal avlsutvalet gjennomføre arrangement som kåring, dommarsamling og faglege møte etc. Utvalet skal fungere som eit kontakledd mellom vêraringane og RSG. Ved avstemming i utvalet har leiaren dobbeltstemme ved likt stemmetal. Referat frå møter skal føreleggast styret før publisering på heimesida til RSG.

Medlemmene i avlsutvalet består av:

2 valgte kandidatar frå RSG, med stemmerett (1 leiari og 1 representant frå vêraringane)

1 representant frå RSG sitt styre, med møterett og uttalerett

1 representant frå Nortura, med stemmerett (oppnevnt av Nortura)

1 representant frå KLF, med stemmerett (oppnevnt av KLF)

Kåringsansvarleg vert invitert til å delta på møtene, med uttalerett

Kandidatar valg av RSG, velges for 2 år

Leiaren i avlsutvalet er regionen sin representant i avlsrådet. Det er forventa at medlemmene i avlsutvalet har grunnleggjande forståing av avlsarbeid og avlsteori. Medlemmane skal kjenne til korleis drifta av vêraringane fungerer og korleis gjennomføre kåring. Som medlem i avlsutvalet skal ein ha nok fagleg tyngde til å gjennomføre avlsmøter, eventuelt halde faglege innlegg innan avl for vêraring og lokallag. Medlemmet skal også kunne legge fram Rogaland sine synspunkt for avlsrådet.

Leiaren i avlsutvalet er regionen sin representant i avlsrådet. Leiaren skal ha kopi av innkalling til, og referat frå RSG sine møter. Når avlssaker skal til behandling i styret, vil leiari delta på møte.

Avlsutvalet har i stort sett to fysiske møter i året for å diskutere saksmappa til avlsrådet. Ved behov kan utvalet ha kortare møter via tlf/teams for å ta opp enkeltsaker.

Oversikt på medlemmer i vêraringane i Rogaland

For å kunne nå ut med informasjon og invitasjon til samtlige vêraring-medlemmer, ønskjer avlsutvalet å få tilgang til oppdaterte medlemslister. Avlsutvalet ber RSG om tilgang til denne.

Saksmappe til Avlsrådsmøte

Saksmappa til avlsrådet sitt møte 15. juni 2022 er meir omfattande og tyngre fageleg sett, enn det den vanlegvis er. Avlsplan og avlsbudsjett er hovudsaker. Avlsutvalet gjekk gjennom saksmappa, og plukka ut dei sakene som ein meinte var av den karakter ein ønskte å seie noko konkret om. Dei er omtala under:

Sak 40.2 Budsjett 2023 for «Avl og semin på sau»

Foreløpig budsjett syner eit underskot på 935 tusen. Avlsutvalet i Rogaland meiner at avlsarbeidet sin styrke er genomisk seleksjon, og at dette må prioriteres. Avlsutvalet støtter difor forslaget om å hente inn underskotet i avlsfondet, med det utgangspunktet at budsjettet går i null i 2024.

Sak 43.3 Nye poeng for «brukseigenskapar» på kåring

Sidan innføring av brukseigenskapar som eigenskap i 2016, er det kome tilbakemeldingar om at ein ønskjer oppdeling av dette poenget. Det er vurdert å dele opp poenget i 3 deler; beinbygnad/hovud, høgde og kryss. Basert på tilbakemeldingar ønskjer avlsrådet å dele opp poenget i desse faktorane frå og med hausten 2022. Endringen skal gjelde alle rasar som får vurdert «brukseigenskapar» på kåring

Avlsutvalet støtter forslaget

Sak 41 Rettleiande livdyrprisar

Livdysal av gentesta værer frå ringsystemet vil bli det viktigste økonomiske bidraget for å finansiere avlsarbeidet i felt. Avlsrådet er oppmoda å koma med innspeil til rettleiande prisar på livdyr.

Avlsutvalet i Rogaland har følgjande forslag:

Kåra værlam	Grunnpris	3700,-
Saulam	Grunnpris	2900,-
Indeksvær	Grunnpris	4800,-
	Indekstillegg	+ 200,- pr poeng mellom 115-125
	Indekstillegg	+ 400,- pr poeng over 125

8 Eventuelt

Dommarsamling: 22 august mandag

Skrivar Hilde Håland